



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorum Omnium Generalium Et Provincialium Collectio Regia

Ab anno DCCCCX. ad annum MLXXIII.

**Parisiis, 1644**

Concilium Calnae Villae Regiae Wilceriae Svb Sancto Dvnstano  
archiepiscopo Cantuariae habitum, anno IV. sancti Edvardi martyris: cui  
praeter episcopos alios & ceterum clerum, omnes aderant Anglorum ...

**urn:nbn:de:hbz:466:1-15625**

\* *alias.*  
KYRTLL-  
NEGE.  
\* *al.* KYR-  
DING.  
\* *al.* KER-  
LING.

CONCILIVM \* KYRTLINGTONIÆ

ANNO  
CHRISTI  
977.

POST PASCHA HABITVM ANNO CHRISTI  
DCCCCLXXVII. præsentibus Edvardo rege, qui mar-  
tyrio postea coronatur, & Dunstano archiepiscopo  
Cantuariensi.

*Ex nota quadam Saxonica.*

**P**OST pascha magnum habebatur Concilium Kyrtling-  
toniæ, vbi Sidemannus episcopus mortem celerem  
obiit 11. Kalendas Maii. Erat is Deuoniæ episcopus, vo-  
luitque corpus suum in episcopali sua sede Cridiantunæ  
sepeliendum.

Peregrina-  
tio ad fan-  
ctam Ma-  
riam Abbā-  
dunensem  
instituta.

Ordinarunt iam nunc rex Edvvardus & Dunstanus ar-  
chiepiscopus, vt homines rusticani religionis causa ad ec-  
clesiam sanctæ Mariæ Abbandunensem peregrinarentur,  
quod & fecerunt.

Sepelitur autem honorifice (puta Sidemannus episco-  
pus) ex parte Boreali porticus sancti Pauli Cridiantunæ.

CONCILIVM CALNÆ VILLÆ

REGIÆ VVILCERIE SVB SANCTO DVNSTANO  
archiepiscopo Cantuariæ habitum, anno 1V. sancti  
Edvvardi martyris: cui præter episcopos alios & cete-  
rum clerum, omnes aderant Anglorum optimates,  
rege tamen propter teneram ætatem absente:

*In quo dum acrius contenditur de eiiciendis monachis, reducendis-  
que presbyteris sæcularibus, cum vxoribus suis & liberis,  
Conciliabuli decedit solarium.*

Gest. reg.  
lib. 1. c. 9.

**D**E hoc Malmesburius ita: Sed adhuc non sedatis animis,  
Calnæ Concilium indictum: vbi cum in cœnaculo,  
absente propter ætatem rege, confidentibus totius An-  
glia senatoribus, magno confictu & controuersia res age-  
retur, & validissimum illum murum ecclesiæ, Dunsta-  
num dico, multorum conuiciorum iacula impeterent, nec  
quaterent, suas partes cuiuscumque ordinis viris summo



ANNO  
CHRISTI  
977.

studio tuentibus, solarium totum repente cum axibus & trabibus dissiluit & concidit. Omnibus ad terram elisis, solus Dunstanus stans super vnam trabem quæ superstes erat euasit probe: reliqui vel exanimati, vel perpetui languoris compede detenti. Hoc miraculum archiepiscopo exhibuit pacem de clericis, omnibus Anglis tunc & deinceps in eius sententiam concedentibus. *Hæc Malmesburio Baronius. De eodem Henricus Huntingdoniensis hist. lib. 5.* Edvardi sancti regis anno quarto omnes optimates Anglorum ceciderunt a quodam solario apud Calne, præter sanctum Dunstanum, qui trabe quadam apprehensa restitit. Vnde quidam eorum valde læsi sunt, quidam vero mortui. Signum scilicet Dei excelsi fuit, quod proditione & interfectione regis sui ab amore Dei casuri essent, & a diuersis gentibus digna contritione conterendi.

CONCILIVM AMBRESBYRIÆ,  
SEV IN VRBE AMBROSII VVILTONIENSI  
pago celebratum anno Christi DCCCCLXXVII.

**P**RÆTER nomen nihil exhibet hoc Concilium. De hoc ita *Vvigoricensis*: In Eastanglia apud villam quæ Kyrlinege nominatur maxima Synodus celebratur. Dehinc apud Calne regiam villam dum alia celebraretur, totius Angliæ maiores natu, qui ibidem congregati fuerunt, excepto Dunstano, de solario corruerunt; quorum quidam mortui sunt, quidam vero mortis periculum vix euaserunt. Tertia apud Ambresbyrig Synodus celebrata est. Domnaniæ præsul Sidemannus obiit. *Hæc ille, & inferior Iornalensis*: Celebratæ sunt (inquit) in Anglia tres Synodi; prima apud Kerlynge, secunda apud Calne, vbi omnes proceres, excepto Dunstano, de solario corruerunt: tertia fuit Ambresbyri. *Anni non meminit, sed hæc ille in Edgari regis vita posuit.*